

LISTA BRZE PROVJERE

KAKO POSTUPATI KOD POZIVANJA U SLUČAJU POŽARA?

- Stanite i razmislite gdje se nalazite.
- Za pomoć nazovite telefonski broj vatrogasaca 123 ili 121. Ne računajte da su već drugi dojavili događaj.
- Počnite razgovor odmah govoreći polako i razgovjetno, šta se dogodilo, gdje se dogodilo, kada se dogodilo i ima li ozlijeđenih.
- Navedite tačnu adresu mjesta nesreće i osobno dočekajte pomoć.
- Budite spremni dati daljnje informacije i osobne podatke (ime i prezime).
- Završite razgovor kada vam služba koju ste kontaktirali to dozvoli.
- Vaš razgovor neće odgoditi upućivanje pomoći, jer pomoć može biti upućena i dok je razgovor u toku. Recite sve što ste zapazili, vidjeli ili čuli.
- Ne telefonirajte na liniji dok ne dođe pomoć. Služba koju ste kontaktirali možda će trebati dodatne informacije.
- Dojava nepostojećeg događaja je zakonom kažnjiva.

Program edukacije stanovništva iz oblasti preventivne zaštite od požara

KONTAKTI ZA POMOĆ

Operativni centar Civilne zaštite (hitni slučaj zbog poplave/oluje)	121 www.cz.zdk.ba
Opasnost po život policija	122
Hitna pomoć vatrogasci	123
Hitna medicinska pomoć	124
PTT - informacije	1182/1188
BIHAMK (stanje i pomoć na putevima)	033 1282 www.bihamk.ba
Federalni hidrometeorološki zavod BiH (METEO ALARM by METEOBIH)	033 276 700 033 442 435 www.fhmzbih.gov.ba


UPIŠITE SLJEDEĆE BROJEVE:

- Vaša općina: ✍
- Vaša općinska služba CZ: ✍
- Vaš opskrbljivač struje: ✍
- Vaš opskrbljivač vode: ✍
- Vaš opskrbljivač plina: ✍
- Vaš upravitelj stambenog objekta: ✍
- Vaše osiguravajuće društvo: ✍
- Vaš porodični ljekar: ✍

Za više informacija slušajte lokalnu radio stanicu.
Frekvencija lokalne radio stanice: ✍



Bolje je osigurati se od požara nego požaliti zbog toga



JESTE LI PRIPREMLJENI ZA POŽAR?

ŠTA UČINITI ZA SLUČAJ POŽARA?

Poštovani sugrađani,
Mnogi su od nas doživjeli neki neugodan događaj pri kojem su trebali pomoć neke od specijalizovanih službi. Ponekad događaj toliko snažno psihološki djeluje da je potrebno vrijeme za snalaženje i pozivanje pomoći. Ovi savjeti će Vam pomoći u tome. Proučite ih i sa njima upoznajte članove Vaše porodice, kako bi ste znali šta učiniti u datom slučaju. Posebno je važno poučiti djecu, kako se zaštititi u opasnim situacijama. Lični primjer odraslih prema ovoj problematici od ključnog je značaja za ovladavanje i prihvatanje sigurnosnih mjera lične i uzajamne zaštite građana, član 41 Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10).

POŽAR KUĆE/STANA - POSTUPCI

Planirajte sljedeće s cijelom porodicom:

- * Napravite kućni plan spašavanja u slučaju požara
- * Poučite djecu osnovnim požarnim opasnostima, te kako će dojaviti događaj vatrogascima
- * Planirajte, isprobajte i očistite sigurnosne i brze puteve evakuacije do izlaza
- * Planirajte kako upozoriti ostale stanare u zgradi na opasnosti i kako se mogu spasiti

Za više informacija i pomoć u izradi plana za spašavanje u slučaju požara, posjetite općinsku službu Civilne zaštite i website Kantonalne uprave Civilne zaštite ZDK
www.cz.zdk.ba

direktor Sead Džanović, prof. odb. i sig.

NE DOZVOLITE DA SE NESREĆA DOGODI!

POMOZITE STARIJIM I INVALIDNIM OSOBAMA!

ZAŠTITITE SVOJU PORODICU,
ŽIVOTINJE I IMOVINU OD POŽARA

KOMŠIJA POMAŽE KOMŠIJI!

ŠTA ČINITI U SLUČAJU POŽARA?

ŠTA TREBA DA ZNATE KADA NASTANE POŽAR?


- * Djelujte oprezno ali bez odgode
- * Pokušajte ugasiti požar samo ako to možete učiniti bez opasnosti za sebe ili druge
- * Ako ne možete sami ugasiti požar, nazovite bez odlaganja vatrogasce na telefon 123 ili 121
- * Obavijestite komšije o nastanku požara i zatražite njihovu pomoć
- * Pokrenite evakuaciju ugroženih ljudi i životinja, spašavanje ima prednost pred gašenjem
- * Djelujte tako da spriječite paniku
- * Izbjegavajte dim kao i udisanje produkata izgaranja. Kod požara ljudi većinom stradavaju usljed gušenja ili trovanja dimom, a ne zbog vatre
- * Ne približavajte se požaru dok vatrogasni aparat ili neko drugo sredstvo nisu spremni za gašenje
- * Zaštitite otkrivene dijelove tijela odjećom. Pokrijte glavu i zaštitite vrat. Preko lica zavežite mokri ručnik tako da štiti dišne organe. Zaštitite ruke
- * Držite se što niže podu. Temperatura je viša u gornjim dijelovima prostorije, gdje je i više produkata izgaranja, tj. vrućeg dima
- * Pokušajte ograničiti širenje požara, zatvorite dovod plina i po potrebi isključite struju
- * Pomozite onima koji ne mogu sami da se evakuiraju
- * Nemojte zaboraviti spasiti kućne ljubimce
- * Pobrinite da neko sačeka vatrogasce na ulazu u objekat i da im prenese bitne informacije
- * Ukoliko je moguće osigurajte tragove nesreće. Namjerno uništavanje ili prikrivanje tragova nesreće može se tretirati kao kazneno djelo

NAPRAVITE KUĆNI PLAN SPAŠAVANJA U SLUČAJU POŽARA

Mnogo ljudi paniči u ovakvim situacijama zato što ne zna šta da radi. Vi i Vaša porodica morate napraviti plan spašavanja da bi ste bili sigurni da će svako izaći iz kuće brzo i sigurno.

NACRTAJTE PLAN VAŠE KUĆE ILI STANA

Potrudite se da ne zaboravite da ucrtate sva vrata i sve prozore.



Morate znati bar dva izlaza iz svake prostorije

Ako je jedan blokiran dimom ili vatrom, onda možete koristiti drugi.

Planirajte mjesto zajedničkog okupljanja izvan vaše kuće ili stana

Isplanirajte da pozovete vatrogasce od vašeg komšije. Kada ste napustili prostor ugrožen požarom, nikada se ne vraćajte nazad. Ako je nešto ili neko zarobljen u požaru, pustite da ga vatrogasci spase.

Plan evakuacije se mora uvježbati

Vježbajte evakuaciju bar dva puta godišnje. Mnogo porodica napravi plan, a onda ga ostavi u nekoj fascikli za uspomenu. Kad nastane požar, nema vremena za uspomene.

Nastao je požar!

Kada nastane požar imate malo vremena da se spasite, međutim imaćete ga sasvim dovoljno ukoliko ste se za takvu situaciju unaprijed pripremili.

Odmah se bacite na pod i puzite što niže!

Dim i toplota brzo napreduju, pa ako ostanete između 30 i 70cm iznad poda izbjeci ćete visoku temperaturu i otrovne gasove.

Provjerite vrata prije nego što ih otvorite!

Pogledajte da li dim prolazi kroz okvir vrata. Opipajte vrata nadlanicom, nikako dlanom. Ako su vrata vruća NE OTVARAJTE, sa druge strane je požar.

Otvorite vrata polako i pažljivo!

Ako su vrata hladna možete ih otvoriti, ali ipak budite oprezni. Sa njihove druge strane je možda požar. Kada otvarate vrata sakrijte se iza njih, sagnite glavu i sklonite lice od otvora. Otvarajte ih polako tako da ih možete lako zatvoriti, u slučaju opasnosti.

Zatvorite vrata za sobom!

Zapamtite da samo zatvorena vrata i prozori smanjuju dovođenje kiseonika požaru i daju dovoljno vremena za spašavanje.

Naučite kako da se spasite izlaskom kroz prozor!

Ako ste na prvog spratu, prvo kroz prozor izbacite stopala. Uхватite se za ivicu i ispružite se koliko god možete i onda skočite. Ne pokušavajte da izlazite kroz prozor na višim spratovima, bez pomoći vatrogasaca.

Nemojte nikada koristiti lift!

Ako živite u višespratnici, koristite put za evakuaciju. Požar uvijek onesposobi lift, a vi možete ostati zarobljeni u njemu.

Ne zaboravite na one kojima treba pomoć!

Pomozite starijim i invalidnim osobama koje ne mogu same da se evakuiraju.

Okupite svoju porodicu, vježbajte i ponavljajte svoj plan. Sa Vašom djecom kroz igru, kviz znanja, provjerite da li su zapamtili šta im je činiti u slučaju požara.



Sa Vama uvijek Vaš komplet potrebnih stvari u hitnim slučajevima:

- * Lična dokumenta
- * Baterijska lampa
- * Kutija prve pomoći
- * Rezervne baterije
- * Konzervirana hrana
- * Vreća za spavanje
- * Topla odjeća
- * Boce vode
- * Mobitel sa punjačem
- * Prenosni radio
- * Vaš plan u hitnim situacijama